



Kalaallit Nunaanni Suliffigissaasut

Det grønlandske Arbejds miljøråd

2010 Ukiumoortumik nalunaarut

Tunuliaqut

Beskæftigelsesministeriap nalunaarutaa, Kalaallit Nunaanni Sullivinni avatangiisit pillugit inatsit nr. 1048, 26. oktober 2005 –meersoq naapertorlugu, Kalaallit Nunaanni Suliffigissaasut pilersinneqassapput. Kalaallit Nunaanni Suliffigissaasoqarnerup siunertaraa sullivinni isumannaatsunik peqqinnartunillu avatangiisinik pilersitsinermi illuatungeriit, sulisartut sulisisullu sunniuteqaqataanissaannik periarfississallugit.

Suliffigissaasut ataatsimiitsitaliap katitigaanera

Siulittaasog	Ivalo Egede
SIK	Beathe Hendriksen
SIK	Jokum Zeeb
PIP, PK og IMAK	Lisbeth Frederiksen (Siulittaasup tullia)
AK & ASG ataatsimut	Nikoline Ziemer (sinniisuugallartoq)
SSK	Erne Olsen
GA	Karsten Klausen
KANUKOKA	Erna Thomsen
Namminersorlutik Oq.	Flemming Enequist
Atorfilittat aalajangersimasut	
Arbejdstilsynet	Jens Jensen
Arbejdstilsynet	Jesper Eugenius Labansen

Ukiup ingerlasimanera naatsumik

Ukioq, Suliffigissaasut ukiuni 4-nik atuuttussamik aallartisarnernit sunnersimaneqarpoq, aammattaaq siulittaasup Sten A. Lund-ip Ivalo Egede-mit taarserneqarneranit. Taarsiineq tamanna Ataatsimiitsitaliamut periarfissatsialaavoq, ataatsimiitsitaliap siunertamigut atuuffianik nalilersueqqinnissamut aamma ataatsimiitsitaliap atuuffiata suliaatalu suunerinik ilaasortat ataatsimoorussamik paaseqatigiinnermik peqarnissaannik nukittorsaanissamut. Tamannalu tunngavigalugu ilaatigut Suliffigissaasunut ilaasortanut ulluni 1 ½ -ni pikkorissaanerit ingerlanneqarnikuupput, tamannalu ullup affaanik sivisussusilimmik seminareqartitsinermik malitseqartinneqarpoq, tassanilu Ataatsimiitsitaliap saqqumilaarnerulluni inissisimalernissaata nassuiaasersorneqarnissaa qanimut sammineqarluni. Ulluni taakkunani pingaarnerutillugu inerniliussaqaq unaavoq Ataatsimiitsitaliap siunissami saqqumilaarnerulissasoq, aammattaaq sapinngisamik tusaruminarnerusunik oqariartuuteqartassasoq – imaappoq Sullivimmi avatangiisini kukkunerit amigaatillu kisiisa isiginiaannarnagit, suut pitsanngorsaataasinnaanersut isiginiarneqarnerulissasut. Aammattaaq ullut taakkua kinguneqarput Ataatsimiitsitaliap kalaallisut taaguutaanik allannguerusulluni kissaateqalernermik imatut ”Suliffigissaaneq pillugu

siunnersuisoqatigiit” tamanna Ataatsimiitsitaliap atuuffianut qallunaatullu taaguutaanut tulluunnerummat – ilimagineqarpoq kissaat tamanna 2011 ingerlanerani akuerineqarumaartoq, tamatuma inatsimmik allangueqqaarluni pisinnaanera apeqqutaammat.

Ukiup ingerlanerani Ivalo Egede sullivinni avatangiisit pillugit ukiumoortumik ataatsimeersuarneq ”AM” Danmarkimi ingerlanneqartoq peqataaffigaa, tassanilu qallunaat ”inuit suliffigissaanermik suliallit” arlalissuit naapippai, taamaalillunilu Suliffigissaasut ataatsimiitsitaliaata suliaanut tunngatillugu isumassarsiorfigilluarlugit. Ataatsimeeqatigiinnerit taakkua ilaannut malitsigitillugu ukiup qaangiuttup naalernerani Suliffigissaasut aamma Videncenter for Arbejdsmiljø (DK) akornanni suleqatigiinnermik pilersitsisoqarpoq, matumani qallunaat paasisitsiniaanerminni nittartagaat <http://www.frastresstiltrivsel.dk/> kalaallinut (naleqqussarlugu) atorsinnaalersinneqarpoq suliniut taanna ukiup 2011 –p aallartisimalernerani naammassiniarneqarpoq. Suliniut taanna aqcutigalugu sullivimmi avatangiisinik pitsaasunik siuarsaaniarnerminni, suliffeqarfiit isumassarsiorfigalugulu periusissaminnik aallerfigisinnaassagaat periarfissinniarneqarpoq, matumani sullivinni qinngasaarisarneq / pimmatiginnittarneq pinaveersaartitsiniarlugu sulineq ilaavoq.

Ukiup naalernerani Suliffigissaasut DVD-liaritillugu suliaritaata ilaa Suliffigissaasut nittartagaatigut takuneqarsinnaalerpoq – suliaq taanna ukiup 2011 aallartisimalernerani naammassiniarneqarpoq.

Sullivinni avatangiisit pillugit inatsimmut allannguutissanik suliamut ingerlasumut tunngatillugu kissaatiminnik arlalissuarnik Suliffigissaasut saqqummiussaqaarsimapput – matumani ataqatigiissaarisartutut ilinniarsinnaalernissamik (koordinatoruddannelse) kissaat ilaavoq (Inatsimmut allannguutissatut siunnersuutip Suliffigissaasunut tusarniutigineqarnissaa 2011 aallartinnerani pinissaa ilimagineqarpoq).

Ukiup ingerlasimanera ”Suliffigissaasutut – isarusserluni” qiviaraanni makkua taaneqarsinnaapput:

- Ukioq aallartippoq Sullivinnik nakkutilliisut aamma Center for Arbejdsskadesikring (maanna Center for Arbejdsskader) sullivimmi ajutoornerit ajoqutillu sulinermit pissutillit nalunaarutiginiaraanni immersugassaq qarasaasiakkut immersorneqarsinnaasoq pilersimmassuk – ugguaa aaneqarsinnaasoq www.at.gl aamma www.anmeld.gl. Taamatut aaqqiinerup nalunaarutiginninniartoq piffissamik sipaartissavaa, immersugassaq ataasiaannarlugu immersorneqarsinnaalermat, Sullivinnik nakkutilliisoqarfimmut Centerimullu immikkut nassiussisarnermut taarsiullugu.
- 2010-mi 37 tiiminut sivitsoqqinneqarpoq, ukiuni arlalissuarni 32 tiimiusumut taarsiullugu.
- Ulloq 1. juni asbest-pillugu nalunaarut atuutilersinneqarpoq – Sullivinnik Nakkutilliisoqarfiup nalunaarutaa nr. 133, 5. februari 2010 -meersoq.
- Sullivinni avatangiisinik nakkutilliinermik ilinniarneq inatsit malillugu pisussaaffiusoq 2010-mi Kalaallit Nunaanni 16-iarlugu ingerlanneqarpoq.

Suliffigissaasut ataatsimiittarsimanerat

Suliffigissaasut 2010-mi ullut pingasut ataatsimiiffigisimavaat ukua:

- Ataatsiminneq nr. 1 ulloq 17. februari
- Ataatsiminneq nr. 2 ulloq 11. augusti
- Ataatsiminneq nr. 3 ulloq 20. oktoberi

Siunnersuutit innersuutit

Julip qaammataani Suliffigissaasut Suliffeqarnermut Inuussutissarsiornermut Sulisoqarnermullu Naalakkersuisunut ilaasortamut innersuut nassiuppaat, matumani pineqarpoq Sullivinni avatangiisit pillugit inatsimmut - nalunaarutitassaanullu allannguutissatut siunnersuutissaq suliarineqartoq, kattuffinnut Suliffigissaasut Ataatsimiitsitaliaanni ilaasortaataqartunut tassungalu susassaqtartunut allanut tusarniaasutigeqqullugu nassuiteqqullugu siunnersorneqarpoq.

Sullivinni avatangiisit pillugit inatsimmi jf. §64 malillugu naammagittaalliutinik suliaqarneq

2010-mi Suliffigissaasut ataatsimiitsitaliaannut naammagittaalliummik apuusisoqarsimanngilaq.

Sammisimasat allat

AM-2010,

Suliffigissaasut siulittaasortaava AM-2010 Danmarkimi ingerlanneqartoq peqataavoq, tassanilu qallunaat ”inuit suliffigissaanermik suliallit” arlalissuit naapippai, taamaalillunilu Suliffigissaasut ataatsimiitsitaliaata suliaanun tunngatillugu isumassarsiorfigilluarlugit.

Suliffigissaasut aningaasaqarnerat

Suliffigissaasut qallunaat aningaasanut inatsisaat aqqutigalugu aningaasalersugaavoq, 2010-milu 300.000 kr. aningaasartaqarluni. 2010-milu ukiumoortumik naatsorsuutit naammassineqarneranni aningaasaliissutit taakkua ilaat kr.-nit 296.351,87 atorineqarsimallutik.

Suliffigissaasut ataatsimiinneranni ulloq 2. marts 2011-mi pisumi akuersissutigineqarpoq.

Ivalo Egede
Siulittaasoq